

Headline	15,000 peluang pekerjaan, latihan		
MediaTitle	Kosmo	Color	Full Color
Date	27 Feb 2018	Circulation	197,202
Section	Negara	Readership	875,000
Page No	7	ArticleSize	488 cm ²
Language	Malay	AdValue	RM 12,713
Journalist	N/A	PR Value	RM 38,139
Frequency	Daily		



Program Temu Duga Terbuka SLIM Peringkat Zon Tengah 2018 untuk graduan

15,000 peluang pekerjaan, latihan

Oleh AKMAL AZIZ

SERDANG – Lebih 15,000 peluang pekerjaan dan latihan telah ditawarkan kepada pencari kerja tanpa mengira latar belakang serta peringkat kelulusan pada Program Temu Duga Terbuka Skim Latihan 1Malaysia (SLIM) Peringkat Zon Tengah 2018 di Taman Ekspo Pertanian Malaysia (MAEPS) baru-baru ini.

Program yang mendapat sambutan hangat dengan kehadiran pengunjung yang tidak ingin melepaskan peluang mendapatkan tawaran tersebut telah menarik seramai kira-kira 55,000 pengunjung.

Perdana Menteri, Datuk Seri Najib Tun Razak berkata, SLIM telah memberi peluang pekerjaan kepada lebih 144,000 graduan yang mengikuti pelbagai latihan bersama industri sejak ia diwujudkan pada tahun 2011.

“Saya merakamkan penghargaan kepada syarikat berkaitan kerajaan (GLC) dan swasta yang sentiasa mendukung kerajaan dalam meneruskan pelbagai inisiatif yang diwujudkan, khasnya SLIM.”

“Syarikat-syarikat ini bukan sahaja telah meningkatkan kebolehpasaran graduan yang mengikuti SLIM, malah secara tidak langsung turut memperkasaan modal insan negara.

“Mudah-mudahan apa yang kita hendak adalah generasi muda akan bersama dengan kita untuk mencorak masa depan negara,” katanya ketika berucap merasmikan Program Temu Duga Ter-



NAJIB (belakang, tengah) bersama penerima-penerima anugerah pada majlis perasmian Program Temu Duga Terbuka SLIM Peringkat Zon Tengah 2018 di MAEPS, Serdang, Selangor baru-baru ini.

buka SLIM Peringkat Zon Tengah 2018 di sini baru-baru ini.

Turut hadir, Menteri di Jabatan Perdana Menteri, Datuk Seri Abdul Rahman Dahlan; Menteri Sumber Manusia, Datuk Seri Dr. Richard Riot; Menteri Pertanian dan Industri Asas Tani, Datuk Seri Ahmad Shabery Cheek; Ketua Sekretariat SLIM, Norashikin Ismail; wakil syarikat berkaitan kerajaan (GLC) dan syarikat pelaburan berkaitan kerajaan (GLIC).

Pada majlis tersebut Najib turut berkongsi berita gembira untuk pelatih SLIM dengan mengumumkan kenaikan eluan bulanan.

Perdana Menteri mengatakan berita baik itu selepas Norashikin membuat satu permintaan istimewa kepadanya sebagaimana bulanan.

Saya dibisikkan oleh Norashikin Ismail untuk mengumumkan sesuatu sebagai ‘hadiah’ kepada semua (pelatih SLIM).

“Jadi, selepas melihat kisah hidup pelatih SLIM, saya dengan ini mengumumkan eluan SLIM akan dinaikkan daripada RM1,500 sebulan kepada RM2,000 sebulan,” ujarnya.

Selaras pengumuman yang dibuat Perdana Menteri itu lebih 5,000 peserta SLIM yang hadir di majlis berkemasan bersorak kegembiraan.

Beliau berkata, kenaikan ini akan memberi kemudahan dan keselesaan kepada para peserta SLIM yang kini sudah mencecah 144,000 orang.

Pada program tersebut, satu majlis anugerah turut diadakan sebagai pengiktirafan ke atas usaha-usaha pemain industri yang konsisten menjayakan SLIM sejak di awal penubuhannya dengan Majikan Terbaik SLIM 2017 telah diiktirafkan kepada UEM Group Berhad.

Bagi Anugerah Majikan ‘Platinum’ SLIM 2017 trofi emas telah dimenangi oleh Khazanah Nasional Berhad, yang diikuti Lembaga Tabung Haji (Perak)



NAJIB bersama graduan yang mendaftar untuk SLIM, Nur Natasha Zarin Zulkiflee (kiri) dan Ainur Fadzillah Zailani (kanan) pada majlis perasmian Program Temu Duga Terbuka SLIM Peringkat Zon Tengah 2018 baru-baru ini.

dan Petronas (Gangsa).

Sementara itu, bagi Anugerah Majikan ‘Diamonds’ SLIM 2017 trofi emas telah dimenangi oleh Maybank Berhad, Tenaga Nasional Berhad (Perak) dan Permodulan Nasional Berhad (Gangsa).

Dalam pada itu, Norashikin memberitahu, buat para graduan yang mengikuti SLIM di mana-mana syarikat yang mewawancara program tersebut jangkaan untuk diserap bekerja adalah membangsangkan.

“Sehingga kini, jumlah pelatih yang telah berjaya mendapat kerja atau diserap masuk ke syarikat setelah mereka mengikuti latihan telah mencecah sehingga 70 peratus dari keseluruhan 144,000 sejak 2011.

“Namun begitu, buat mereka yang tidak diserap masuk sebagai pekerja tetap, mereka boleh kembali memohon untuk mengikuti lagi program SLIM dan tidak harus berkecil hati dengan situasi tersebut,” ujarnya.